

Ho Tšepahalla Molimo



SABATHA MANTSIBOEA

Bakeng sa Thuto ea Beke ena Bala:

Luka 16:10, Lev. 27:30, Genese 22:1–12, Baheb. 12:2, Luka 11:42, Baheb. 7:2–10, Nehemia 13.

Temana ea Khopolo:

“ ‘Me tse oetseng mobung o motle ke ba utloileng lentsoe ka lipelo tse ntle, tse molemo; ba le boloka ’me ba beha lijjo ka tiisetso’ ” (Luka 8:15).

Pelo e tšepahalang ke e joang, ’me e bonahatsoa joang? Meetlo ea sejoale-joale hangata e bona ho ba motho ea tšepahalang ele ntho’e lerootho, boitšoarō bo eang ka maemo; batho ba bangata ba na le ho se bue ’nete mona le mane ’me ba nka ho nepahetse ha fela phoso ena e se kholo hakaalo-kalo. Hape, hothoe, maamong a mang ha utloahala ho se tšepahale.

’Nete le botšepahi li lutse li le ’moho. Empa, ha rea tsoalōa re na le tšekamelō ea ho se tšepahale; ke ntho’eo re ithutang eona ’me ke eona khubu ea semelo sa qhoku.

Ha re etsa botšepahi re tleloa ke ntho tse ntle. Mohlala, ha ho mohla re khathatsehang ka ho tšoarā ka baka la ho se bue ’nete kapa e be re qetella re pata bohata ba rona. Ka lebaka lena le a mang, botšepahi ke semelo sa bohlokoa, haholo-holo tlasa maemo a thata ha teko e le malebana le ho se tšepahale.

Thutong ea beke ena re tla ithuta taba ea semoea malebana le botšepahi ka tloaelo ea ho khutlisa boshome re bone hore na hobaneng boshome bo le bohlokoa hakana-hakana ho qhoku le boqhokung.

**Ithute Thuto ea beke ena ho lokisetsa Sabbatha sa la, 17 Hlakola.*

Taba ea Botšepahi fela

E 'ngoe ea ntho tseo bongata ba rona bo nang le eona ke ho se rate ho se tšepahale. Ha re ho rate, haholo-holo ha re ho bona ho ba bang. Leha ho le joalo, ha ho bonolo ho ho bona ho rona, 'me ha re ho bona, re atisa ho beha mabaka bakeng sa liketso ta rona, ho li buella, ho li hlokisa bohlokoa ba letho: Aa hle, ha se ntho 'e mpe hakalo; ke nthonyana e nyenyane fela, ebile ha e na le bohlokoa. Hangata re ka ithetsa, empa le ka mohla re ke se thetse Molimo. “Ho se tšepahale ho etsoa hohle hara rona, 'me ke sona sesosa sa hoba foofo ho ba bangata ba reng ba lumela 'nete. Ha b'a hokahana le Krete 'me ba thetsa meea ea bona.”—Ellen G. White, *Testimonies for the Church*, vol. 4, leq. 310.

Bala Luka 16:10. Ke motheo ofe oa bohlokoa oo Jesu a buaong ka oona moo o ka re thusang ho bona kamoo ho leng bohlokoa kateng ho tšepahala, le “‘nthong tse nyenyane’”?

Leha ho le joalo, Molimo O tseba kamoo re ka hlokang botšepahi habonolo kateng, hahoholo-holo ha ho tlua linthong tseo re nang le tsona. Ka hona, O re file sehlare se matla sa ho se tšepahale le boikhabo, bonyane haho tlua matlotlong a lefatše.

Bala Levitike 27:30 and Malakia 3:8. Ke sefe seo litema tsee li se rutang 'me seo li se bolelang se ka re thusa ho tšepahala joang?

“Ha ho boipiletso bo etsetsoang teboho kapa mosa. Hona ke taba ea ho tšepahala fela. Boshome ke ba Molimo; 'me O re re khutlisetse ho Eena seo eleng sa Hae. . . . haeba botšepahi e le tšiea ea bohlokoa khoebong, na re ka se lemohe boikarabello ba rona ho Molimo—boikarabello bo kaholimo bohle?”—Ellen G. White, *Education*, leq. 138, 139.

Ke joang ho khutlisa boshome ho ka u thusang ho hopola, hore ke mang eo qetellong a tšoereng tsohle tseo u nang le tsona? Ke hobaneng ho le bohlokoa ho se lebale le ka mohla, ea tšoereng matlotlo ohle a rona?

Bophelo ba Tumelo

Bala Genese 22:1–12. Pale ee re bolela 'ng malebana le ho tlea ha tumelo ea Aborahama?

Bophelo ba tumelo ha se ntho ea hang e emisang. Ha re bonahatss tumelo ka sefuthohali maemong a mang, e be joale se re re tiisa hore, ruri, re fela re le Bakreste ba tšepahalang, ba khabane ba phelang ka mohau, ba koahetsoeng ka mali a Kreste. Mohlala, lefatše la selumeli le ka mora likete-kete tsa lilemo le ntse le makalitsoe ke ketso ea tumelo e bonahalitsoeng ke Abrahama ka Isaaka thabeng ea Moria. (Genese 22). Empa, taba ena ea tumelo ha se ntho'eo Abrahama a ileng a e qhekanyetsa h'a e hloka. Bophelo ba hae ba ho mamela pele ho moo, bo ile ba mothusa ho etsa seo a se entseng. Haeba a ne lutse a sa tšepahale pele ho ketsahalo ena, a ka be a sa pasa teko ena joalokaha a ile a etsa. Ha ho potang, ka hona, motho ea nang le tumelo e tjena kannete o ile a 'na a ba le eona le kamora moo.

Taba mona ke hore tumelo ea qhoku ha se ntho ea hang, e be e-ea khaotsa. Ha nako e nts'e e-ea, e ea hola, kapa e fokotsehe, ho ea ka hore na motho o e sebelisa joang.

Bala Baheberu 12:2. See se bolellang mabapi le mohloli oa tumelo ea rona le kamoo re ka bang le tumelo?

Thuso ea rona e le 'ngoe re le liqhoku tse tšepahalang ke ho “Re ntse re talimile Jesu, moqali le mophethi oa tumelo ea rona, ea mameletseng sefapano ka baka la thabo eo A e beetsoeng, A sakang a re letho ka lihlong, A ba A ea lula letsohong le letona la terone ea Molimo.” (Baheb. 12:2). Lentsoe “mophethi” le sebelisoa mona fela Testamenteng e Ncha 'me le ka boela la tolokoa e le “mophethahatsi.” Ho bolela hore Jesu O ikemiselitse ho holisa tumelo ea rona hore e phethahale (Baheb. 6:1, 2). Ka hona, tumelo, bophelo ba tumelo, ke maiphihlelo a pharaletseng: e ea hola, e ba kholo, e ea eketseha.

Ke ka tsela life o boneng tumelo ea hau e hola e ba kholo ha nako e ntse'ea? Kapa na e hotse?

Polelo ea Tumelo

Joalokaha re bone maobane, tumelo e nka nako, mmaiphihlelo a fetohang, ao, haele hantle, a holang. 'Me tsela e le 'ngoe fela eo Molimo A “phethang” tumelo ea rona le ho e tlisa sehlohlolong ke ka ho khutlisa boshome. Ha bo utloisisoa hantle, ho khutlisetsa boshome ho Molimo ha se ho sebeletsa molao; ha re khutlisa boshome, ha re batle kapa ho betla tsela ea ho ea leholimong. Empa, ho khutlisa boshome ke polelo ea tumelo. Ke ponahatso ea kantle, e bonahalang, ea motho ka mong, ea bonnete ba tumelo ea rona. Leha ho le joalo, mang kapa mang a ka re o na le tumelo o lumela ho Jesu. Joalokaha re tseba, “Le matemona a lumela” ho Molimo (Jakobo 2:19). Empa ho nka karolo ea leshome ea chelete ea hau o e khutlisetsa ho Molimo? Hono ke ketso ea tumelo.

Bala Luka 11:42. Jesu O bolelang h'a re boshome ha bo'a lokela ho se tloheloe? Boshome bo amana le taba tse toma tsa molao joang?

Boshome ke phatlalatso ea boikokobetso ho Molimo le ketso ea tšepo e reng Krete ke mopholosi oa rona. Ke ho lemoha hore re se ntse re hlohonolofalitsoe “ka mahlohonolo 'ohle a Moea” (Baef. 1:3) le tšepiso ea a mangata.

Bala Genese 28:14–22. Karabelo ea Jakobo tšepisong ea Molimo e bile efe?

“Leano la Molimo ka boshome le letle, hobane le bonolo le bile le tlisa teka-tekano. Bohle ba ka inkela eona ka tumelo le sebete, hobane lea halalela ka moo le qapiloeng kateng. Ho lona ho fuperoe bonolo le bohlokoa, 'me ha le hloke botebo ba ho ithuta ho bo utloisisa le utloisisa le ho le etsa. Bohle ba ka nka karolo ho tsamaiseng mosebetsi o motle oa pholoho. Motho e mong le e mong, monna, moali, le mocha a ka fetoha ramatlotlo oa Morena, 'me eka ba moemeli ea phethahatsang litebello tsa ramatlotlo.”—Ellen G. White, *Counsels on Stewardship*, leq. 73.

Ke ka tsela u itšibolletseng lithohonolofatso tsa 'nete tse tsoang ho khutliseng boshome? Ho khutlisa boshome ho thusitse ho holisa tumelo ea hau joang?

Maemo a Botšepahi: A' Halalela ho Morena

Re atisa ho bua ka ho fa Molimo boshome. Empa re fa Molimo seo eleng sa Hae joang?

Bala Levitike 27:30. Ke lintlha life tsa bohlokoa tse peli tse fumanoang temaneng ee malebana le boshome?

“Boshome ke ba Molimo ’me bo’a halalela. Ha bo halaletsoe ke kano kapa mokete. Bo hlile bo’a halalela kamoo bo leng kateng; ke ba Molimo. ntle le Molimo ha ho mang kapa mang ea nang le tokelo ho bona. Haho motho ea ka bo etsatsang mokete ho re bo ee ho Molimo, hobane haho mohla boshome e bang karolo ea thepa ea motho.”—Ángel Manuel Rodríguez, *Stewardship Roots* (Silver Spring, Md.: Stewardship Ministries Department, 1994), leq. 52. Ha re etse hore boshome bo halalele; Molimo O etsa joalo ka boikhetlo. O na le tokelo eo. Joaloka liqhoku, re khutlisetsa seo eleng sa Hae ho Eena. Boshome bo behelletsoe ka thoko ho ea ho Molimo bakeng sa sepheo se ikhethang. Ho bo bolokela eng kapa eng ke ho hloka botšepahi. Tloaelo ea ho khutlisa boshome bo halalelang ha e ea tlameha ho rojola le ka mohla.

Bala Baheberu 7:2–10. Ke joang ka moo litaba tse buuoang ke Paulosi mabapi le ha Aborahama a khutlisetsa boshome ho Melkisedeke bo bontša bohlokoa bo tebileng ba ho khutlisa boshome joang? Haele hantle Aborahama o ne a khutlisetsa boshome ho mang?

Ka hona, joalokaha Sabatha e halalela, le boshome b’oa halalela. Lentsoe “halalela” le bolela “ho behelloa ka thoko bakeng sa mosebetsi o halalelang.” Boshome le Sabatha li amana tjena. Re behella letsatsi la bosupa kathoko le halalela, le tlotleha; ’me re behella boshome kathoko e le thepa ea Molimo e halalelang. “Molimo o halalelitse letsatsi la bosupa. Nako eno e ikhethang, e behetsoeng ka thoko ke Molimo ka boena bakeng khumamelo, ho ntse ho le joalo le kajeno, hantle joaloka mohla le qalang ho halaletsoa ke ’Mopi.

“Ka mokha o tšoanang, boshome ba moputso oa rona bo’a ‘halalela ho Molimo.’ Testamente e Ncha ha e boele e tiisa molao oa ho khutlisa boshome, hantle joalokaha e sa etse ka Sabatha; hobane ho tiisa ha tsona h’oa inahaneloa, le bohlokoa ba tsona bo tebileng bo’a hlalosoa. . . . Re le batho ba batlanang le ho fa Molimo nako eo A e beheletseng kathoko ele ea Hae, re ka se boele ra mo fa karolo ea ntho tsa rona eo A e hlokang?”—Ellen G. White, *Counsels on Stewardship*, leq. 66.

U ka etsang ho boloka temoho ee e phela bophelong ba hau le kelellong hore boshome ba hau, bo fela bo “halalela”?

Tsosoloso, Nchafalo, le Boshome

Puso ea nako e telele ea Esekiase e nkoa e le sehlohlole sa moloko oa Juda. Haho mohlala Iseraele e kileng ea natefelo ke tlhohonlofatso ea Molimo ho feta mona haesale kamora puso ea Davida le Salemone. Ho 2 Likoronike 29—31 ke tlaleho ea nchafatso le tsosoloso tsa Esekiase: “A etsa ho leng hotle mahlong A Jehova” (2 Likro. 29:2). “Tšebetso ea ntlo ea Jehova eea tsooa joalo” (2 Likro. 29:35). Paseka e ile ea bolokoa. (2 Likro. 30:5). “Thabo e kholo ea e ba teng Jerusalema” (2 Likro. 30:26). Litšoantšo tsa bohetene, lialetara, le libaka tse phahameng tsa senngoa (2 Likro. 31:1). Ho ile haba le tsosoloso e kholo ea pelo le liketso, tse tlišitsoeng ke boshome le likabelo tse ngata (2 Likro. 31:4, 5, 12).

Nehemia o fana ka mohlala o mong oa tsoloso, nchafalo, le boshome. Bala Nehemia 9:2, 3. Nchafalo ea pelo e n’e boelang? Bala Nehemia 13. Kamora hore Nehemia a nchafatse “ntlo ea Molimo,” (Neh. 13:4) batho ba Juda ba ile isa eng moo? (Neh. 13:12)?

“Nchafalo le Tsosoloso ke ntho tse peli tse fapaneng. Tsosoloso e bontša nchafalo ea bophelo ba semoea, ho chorisa matla a kelello le pelo, ho tsoha lefung la semoea. Nchafatso e bontša tlhopho-bocha, phetoho menahanong le lifioring, litloelong le liketsong.”—Ellen G. White, *Christian Service*, leq. 42.

Likamano tsa Tsosoloso, Nchafalo le boshome li itlela fela. Ntle le ho khutlisa boshome, Tsosoloso le nchafatso li foofo, haeba ho kaba le Tsosoloso e le ka ’nete. Hangata re le Bakreste re ema re sa etse letho kathoko ha re tlameha hore e be re kheleletse re sebeletsa Molimo. Tsosoloso le Nchafalo li hloka boithukhubetso, ’me boshome ke karolo ea boithukhubetso boo. Haeba re tima Molimo seo a se hlokang ho rona, re ka se lebelletse hore A arabele seo re mo kopang sona.

Tsosoloso le Nchafalo li nka sebaka ka kerekeng, eseng kante ho eona (Lipes. 85:6). Re tlameha ho batlana le Molimo bakeng sa Tsosoloso (Lipes. 80:19) le Nchafatso ea “‘ntho tseo re neng re li etsa pele’” (Tsen. 2:5). Nchafatso e tlameha ho etsahala ho latela seo re se bolokang le seo re se khutlisetsang ho Molimo.

Ha se ketso e tlišang phapang, empa qeto ea kelello le maikutlo e bontšang sepheo le boikitlaetso. Litholoana e tlabana tumelo e hotseng, pono ea semoea e chorileng, le botšepahi bo nchafetseng.

Ho Ithuta Haholoanyane:

Molimo O qalile lilekane tsohle tse boletsoeng ka Bibeleng 'me O etella batho ba hae pele hore ba latele lilekane tsena (Baheb. 8:10). Litšepiso tsa lilekane li bontša mohau, lerato, taba-tabelo ea ho re pholosa. Selekane le Molimo se kenyeletsa ntho tse ngata: Molimo, moamoheli, maemo a selekane, boithukhubetso ba mahlakore ka bobeli polokong ea selekane sena, kotlo e bontšitseng e bang selekane se rojoa, le sephetho kapa litholona tse lebeletsoeng seleaneng. Taba ea boshome e bontša likarolo tsena ho Malakia 3:9, 10. Temana tsena li pheta selekane se ikhethang pakeng tsa selekane sa boshome pakeng tsa Molimo le liqhoku tsa Hae. Ha re kena seleaneng se joalo, ke letšoao le bonahalang la hore re hanyetsa motheo oa ho batla maruo, 'me re netefatsa hore ntho'e ntle e ka hlaha pelong e sokolohileng ea moetsalibe.

“Moea oa bokhonatha oa ho icheba bo 'na o bonahala o thibela batho ho fa Molimo seo eleng sa Hae. Molimo O entse selekane se ikhethang le batho, seo ekareng ha ba ka lula ba behella kathoko karolo e boletsoeng bakeng sa ho ntšetsa pele mosebetsi oa Molimo, Morena o tla ba hlohonolofatsa haholo, hona ho senang ho ba le meliko e lekaneng ho bokella lithohonolofatso. Empa haeba motho a ipelokela seo eleng sa Molimo, Molimo o bua ka ho hlaka, ‘Le rohakehile ka thohako’”—Ellen G. White, *Counsels on Stewardship*, leq. 77. Ho phela likamanong tsa selekane le Molimo ho na le maikarabelo. Re natefeloa ke litšepiso tsa selekane, empa hangata ha re rate litaelo le maikarabelo. Empa selakane, maemong ana ao re buoang ka oona mona, ke tumellano ea mahlakore a mabeli, 'me boshome ke karolo ea rona ea ho phela seleaneng seo.

Lipotso Tsa Ho Qoqoa:

1. Ke hobane ha ho khutlisa boshome ele ketso ea bohlokoa hakalo ea tumelo lehlakoreng la rona?
2. U ka reng ho motho ea reng, “Ha ke khone ho khutlisa boshome”? U thusa motho ea iphumanang a le maemong aa joang? Hape, ntle le ka mantsoe, ke sefe se ka etsoang ho thusa?
3. Potso ea ho qetela ea LABORARO e botsitse ka seo u ka se etsang ho u thusa ho bona boshome bo halalela. Likarabo tsa hau e bile life? Ke joang taba ea hore bo'a halalela e amang kamoo u nkang ho bo khutlisa, ka teng?